

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով 06.02.2020թ. կայացված ԱՖ248311 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 03 2020թ. 7-13- 2310

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Սերգեյ Վիրաբյանի ՄԴ/10943-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի, Գ.Լուսավորիչ փողոցի 17-րդ շենքի 40 բնակարանի բնակիչ Սերգեյ Վիրաբյանը դիմումով խնդրել է անվավեր ճանաչել Ճանապարհային ոստիկանության վարչական իրավախախտման վերաբերյալ գործով 06.02.2020թ. կայացված ԱՖ248311 որոշումը՝ հայտնելով իր անհամաձայնությունը:

Դիմումի քննարկման արդյունքում պարզվել է, որ վարչական տույժ նշանակելու մասին 06.02.2019թ. կայացված ԱՖ248311 որոշումը ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների եւ ազատությունների, կառավարման սահմանված կարգի դեմ ոտնձգվող հակաիրավական, մեղավոր (**դիտավորյալ կամ անգոյշ**) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն, հետևաբար ակնհայտ է, որ անկախ անձի կողմից մեղքի ձևի դրսևորումից (իրավախախտում թույլ տվող անձը) Վարչական իրավախախտումների վերաբերյալ ՀՀ օրենսգրքի համապատասխան հոդվածի դիսպոզիցիայով նկարագրված արարք կատարած անձը, պետք է ենթարկվի վարչական պատասխանատվության Վարչական իրավախախտումների վերաբերյալ ՀՀ օրենսգրքի համապատասխան հոդվածի սանկցիայի շրջանակներում:

Ուսումնասիրությամբ պարզվել է, որ **06.02.2019թ. ժամը՝ 11:00-ին** Երևան քաղաքի Աթենքի փողոցում քաղաքացի Սերգեյ Վիրաբյանի վարած <<MERCEDES>> մակնիշի 70NA001 հաշվառման համարանիշի տրանսպորտային միջոցը կանգնեցվել է Ճանապարհային ոստիկանության ՃՊԾ 1-ին սպայական գումարտակի 1-ին սպայական դասակի տեսուչներ, ոստիկանության կապիտան Հ.Գրիգորյանի և ոստիկանության կապիտան Մ. Գալստյանի կողմից: Ստուգումից պարզվել է, որ վարորդը ավտոմոբիլը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն կայացվել է վարչական իրավախախտման վերաբերյալ գործով ԱՖ248311 որոշումը՝ վերջինիս 100.000 ՀՀ դրամ տուգանելու վերաբերյալ:

<<ԱՐՄԵՆԻԱ ԻՇՈՒՐԱՆՍ>>ԱՍՊԸ-ի **IS238805** գործող պայմանագրի ժամկետը լրացել է **05.02.2020թ.**, իսկ նոր գործող **SI284933** պայմանագիր կնքվել է **06.02.2020թ.** ժամը **13:25-ին** իրավախախտումը հայտնաբերելուց հետո

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի

Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, **երեք դրա համար առկա չէ այն վարելու պահին գործող ԱՊՊԱ պայմանագիր:**

Ճանապարհային ոստիկանության ծառայողների կողմից տրված գրավոր բացատրությունների՝ համաձայն ստուգումից պարզվել է, որ վարորդ Ս. Վիրաբյանը ավտոմոբիլը վարել է չունենալով գործող ԱՊՊԱ պայմանագիր, ինչի կապակցությամբ կազմվել է համապատասխան արձանագրություն և կայացվել է ԱՖ248311 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև բացի ծառայողական բնույթի խոսակցություններից այլ խոսակցություններ չեն եղել:

Դիմումում նշված հանգամանքների շուրջ պարզաբանումներ տալու նպատակով՝ քաղաքացի Ս. Վիրաբյանը հրավիրվել է Ճանապարհային ոստիկանություն, որտեղ վերջինս խնդրել է քննարկել դիմումը և տալ գրավոր պատասխան:

Ինչ վերաբերվում է դիմումատուի՝ տուգանքը մեղմացնելու խնդրանքին, ապա ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով, իսկ սույն դեպքում Վարչական իրավախախտումների վերաբերյալ ՀՀ օրենսգրքով սահմանված է միայն սանկցիա՝ տուգանք, ուստի խնդրանքը բավարարել հնարավոր չէ:

Այսպիսով, քաղաքացի Սերգեյ Վիրաբյանի արարքում առկա է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի հատկանիշները, իսկ ԱՖ248311 որոշումն օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով:

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 06.02.2020թ. կայացված ԱՖ248311 որոշումը թողնել անփոփոխ իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Սերգեյ Վիրաբյանին և Ճանապարհային ոստիկանության ՃՊԾ 1-ին սպայական գումարտակ:



Ե. Կարապետյան